

LUTRIJA BOSNE I HERCEGOVINE d.o.o.
S A R A J E V O

Broj: 03-MS-1564-1/18.
Dana: 23.05.2018. godine

Na osnovu člana 17. Zakona o igrama na sreću ("Službene novine FBiH", broj 48/15 i 60/15), člana 7. Pravilnika o sadržaju pravila, uvjetima i načinu priređivanja nagradnih igara ("Službene novine FBiH", broj 30/16) i člana 29. Statuta Lutrije Bosne i Hercegovine d.o.o. Sarajevo ("Službene novine FBiH" , broj 95/15), direktor Lutrije Bosne i Hercegovine, d o n o s i

P R A V I L A
o organizovanju nagradne igre "Kladionica i Mundijal 2018."

Član 1.

Ovim Pravilima detaljno se uređuju uslovi za organizovanje nagradne igre "Kladionica i Mundijal 2018." koju priređuje Lutrija Bosne i Hercegovine d.o.o. Sarajevo (u daljem tekstu: Priređivač), sa sjedištem u Sarajevu, ulica Mehmeda Spahe br. 11, ID broj: 4200496180007, registrovana kod nadležnog suda, čija je djelatnost priređivanje svih vrsta igara na sreću.

Član 2.

Nagradna igra se priređuje u svrhu promocije uplate igara kladionice putem interneta i ista se priređuje u periodu od 14.06.2018. godine do 15.07.2018.godine.

Član 3.

Pravo učesća imaju sve punoljetne osobe, registrovane na eNovčaniku Priređivača, koji su toku trajanja nagradne igre, putem interneta uplatili minimalno 1 (jedan) listić kladionice (sportsko ili live klađenje).

Član 4.

Ukupni nagradni fond iznosi 51.270,00 KM i sastoji se od:

- 1 x Golf VII u vrijednosti od 36.270,00 KM sa PDV-om;
- Bonusi na elektronskom novčaniku 10 X 500,00 KM i
100 X 100,00 KM.

Vrijednost nagradnog fonda kao i porez na dobitak za oporezive dobitke snosi Priređivač iz vlastitih sredstava.

Član 5.

Ukupni troškovi organizovanja igre iznose 58.931,75 KM i sastoje se od:

- nagradni fond 51.270,00 KM
- 6 % ukupne vrijednosti 3.076,20 KM nagradnog fonda-human.

Član 6.

Izvlačenje nagrada je javno i bit će održano 16.07.2018. godine, u sjedištu Priređivača, u Sarajevu, ul. Mehmeda Spahe br. 11, uz prisustvo tročlane komisije imenovane od strane Direktora.

Član 7.

Izvlačenje dobitnika će se vršiti random metodom, dana 16.07.2018. godine, u sjedištu Priređivača u Sarajevu, ul. Mehmeda Spahe br.11. u 10:00 sati.

Izvlačenje će biti realizovano iz formirane baze igrača. Bazu igrača će činiti IBI brojevi igrača koji su putem interneta izvršili uplatu na sportsko ili live klađenje u toku trajanja nagradne igre (od 14. juna do 15. Jula 2018. godine).

Član 8.

Komisija sastavlja Zapisnik o izvlačenju sa podacima o ukupnom broju učesnika u izvlačenju, IBI broju dobitnika Golfa VII, te IBI brojevima dobitnika bonusa 10 x 500,00 KM i 100 x 100,00 KM.

Član 9.

IBI brojevi izvučenih dobitnika bit će objavljeni putem web stranice Priređivača www.lutrijabih.ba i facebook stranice “Kladionica Lutrije BiH”, dana 16.07.2018. godine, a dobitnici će biti obavješteni o ostvarenom dobitku pismenim putem najkasnije u roku od 8 (osam) dana od dana izvlačenja.

Član 10.

Način preuzimanja nagrade automobil Golf VII je u dogovoru sa dobitnikom. Dobitnicima bonusa će osvojeni iznos biti uplaćen putem eNovčanika na njihov registrovani račun i isti se može isključivo koristiti za igranje igara Lutrije BiH putem interneta. Ukoliko dobitnik Bonusa nije imao uplatu vlastitih sredstava na svoj registrovani račun dužan je u dogovoru sa stručnim službama Priređivača javiti se na najbliže uplatno prodajno mjesto Priređivača, te proći proces identifikacije, nakon čega mu se uplaćuje osvojeni iznos Bonusa. Rok za realizaciju uplaćenog Bonusa je 60 dana od dana dodjeljivanja istog.

Član 11.

Rok za uručenje nagrada je 30 (trideset) dana od dana prijema pismene obavjesti od strane Priređivača.

Član 12.

Ako dobitnici nagrada u roku iz člana 11. ovih Pravila ne preuzmu osvojene nagrade, stručne službe Priređivača će u roku od 8 dana od isteka navedenog roka, ponovno uputiti pisanu obavijest dobitnicima nagrade, te odrediti naknadni rok za preuzimanje nagrade.

Ako dobitnici nagrada ni u naknadnom roku iz stava 1. ovog člana ne preuzmu osvojenu nagradu, gube pravo na nagradu, a Priređivač je dužan postupiti na način propisan članom 11. Pravilnika o sadržaju pravila, uslovima i načinu priređivanja nagradnih igara.

Član 13.

Učestvovanjem u nagradnoj igri učesnici se slažu i obavezuju se poštovati Pravila nagradne igre.

Učesnici učestvovanjem u nagradnoj igri neopozivo prihvataju da je Priređivač ovlašten u reklamne svrhe koristiti njihovu fotografiju i ime i prezime, kao i fotografije nastale prilikom preuzimanja nagrade u sjedištu Priređivača, kao i slanje promotivnih SMS poruka na brojeve telefona učesnika u nagradnoj igri.

Član 14.

Dobitnik bilo koje nagrade, prilikom preuzimanja iste mora priložiti na uvid ličnu kartu. Dobitnici Bonusa koji su se ranije registrovali putem web stranice Priređivača i prošli proces identifikacije, ne moraju se javiti u sjedište Priređivača radi preuzimanja nagrade.

Član 15.

Priređivač zadržava pravo otkazati, prekinuti ili staviti u stanje mirovanja nagradnu igru u slučaju više sile, zaraze računarskim virusom, bagova, manipulacije, neovlaštenog zahvata, prevare, tehničkog kvara, ljudske pogreške koja je izvan kontrole Priređivača, ako je time ugroženo upravljanje, sigurnost, pravičnost, etičnost ili ispravna provedba nagradne igre.

Član 16.

Priređivač zadržava sva prava izmjene Pravila nagradne igre u bilo koje vrijeme tokom trajanja nagradne igre, uz prethodnu saglasnost Federalnog ministarstva finansija. Svaka izmjena nagradne igre, uključujući produženje ili skraćivanje trajanja nagradne igre, bit će objavljena na web stranici Lutrije BiH www.lutrijabih.ba, te se primjenjuje od dana objave.

Član 17.

Priredivač ne preuzima odgovornost ako učesnik nije upoznat sa izmjenama pravila nagradne igre, ukoliko su ista objavljena na web stranici Priredivača.

Član 18.

Priredivač ne preuzima odgovornost u slučaju da je dobitnik pružio netačne podatke ili informacije, koje su dovele do nemogućnosti dodjeljivanja nagrade.

Član 19.

Za rješavanje sporova koji proisteknu iz učestvovanja u nagradnoj igri „Kladionica i Mundijal 2018.“ mjesno i stvarno je nadležan Općinski sud u Sarajevu.

Član 20.

Ova Pravila stupaju na snagu narednog dana od dana objavljivanja u jednoj od dnevnih novina i bit će objavljena i na web stranici Priredivača.

D I R E K T O R

Edhem Pašukan, s.r.

Na ova Pravila nagradne igre izdato je odobrenje Federalnog Ministarstva finansija/financija broj : 05-14-2-458/18-T.B. od 01.06.2018. godine.